



Republika e Kosovës – Republika Kosova  
Paneli Zgjedhor për Ankesa dhe Parashitresa  
Izborni Panel za žalbe i Predstavke

Anr.435/2021

Paneli Zgjedhor për Ankesa dhe Parashitresa (PZAP), në panelin e përbërë nga gjyqtarët: Zyhdi Haziri kryesues, Burim Ademi dhe Rustem Thaçi, anëtarë, me pjesëmarrjen e zyrtarit të lartë ligjor Kudret Hasani, duke vendosur përkritazi me ankesat e subjektit politik Lëvizja Vetëvendosje, me seli në Prishtinë, si dhe Organizatës Birn dhe Internews/Kosova IKS paraqitur kundër subjektit politik Lidhja Demokratike e Kosovës (LDK), me seli në Prishtinë, për shkak të shkeljes së Kodit të Mirësjelljes për subjektet politike – Thyerja e heshtjes zgjedhore, për Zgjedhjet e Parakohshme për Kuvendin e Republikës së Kosovës, të mbajtura me datën 14.02.2021, në seancën e panelit të mbajtur me 15.02.2021, mori këtë:

### V E N D I M

**I. PRANOHEN** të bazuara ankesat A.nr.435/2021 dhe A.nr.456/2021 të datës 14.02.2021, të parashtruara nga subjekti politik Lëvizja Vetëvendosje, si dhe ankesa A.nr.506/2021 e datës 15.02.2021 e parashtruar nga Birn dhe Internews/Kosova (IKS), ndërsa subjektit politik Lidhja Demokratike e Kosovës (LDK), me seli në Prishtinë, i shqiptohet gjobë në lartësi prej 4,000.00 (katërmijë) euro, në emër të shkeljes së Kodit të Mirësjelljes për subjektet politike – Thyerja e heshtjes zgjedhore.

**II. DETYROHET** subjekti Lidhja Demokratike e Kosovës (LDK), me seli në Prishtinë, që gjobën e shqiptuar si në pikën -I-, të dispozitivit të këtij vendimi, ta paguajë në afat prej 15 ditëve, nga dita e marrjes së këtij vendimi, nën kërcënim e shqiptimit të dënimit shtesë.

### A r s y e t i m

PZAP-i me datën 14 shkurt 2021 ka pranuar ankesat A.nr. 435/2021 dhe A.nr.456/2021 të parashtruara nga subjekti politik Lëvizja Vetëvendosje (LVV) qendra në Prishtinë, si dhe me datën 15 shkurt 2021 ka pranuar ankesën A.nr.506/2021 e parashtruar nga Birn dhe Internews/Kosova (IKS), me të cilën pretendon se kandidati për deputet nga subjekti politik LDK Muharrem Svarqa ka thyer heshtjen zgjedhore duke i dërguar qytetarëve SMS rreth aktivitetit të tij elektoral. Parashtruesi i ankesës thekson se nga provat e bashkangjitura kësaj ankese konstatohet se SMS i është dërguar në heshtje zgjedhore ku vërehet ora dhe data e saktë e dërgimit. Parashtruesi i ankesës thekson se kandidati për deputet nga subjekti politik AAK ka thyer heshtjen zgjedhore të sanksionuar me nenin 36 par. 1 pika b) të LZP-se dhe nenin 8 paragrafi 1 pika c) të Rregullës Zgjedhore 13/2013 të KQZ-se dhe si provë ka bashkangjitur një fotografi të printuara lidhur me rastin në fjalë.

PZAP-i, në kuptim të nenit 7 par.1 të Rregullave dhe Procedurave të PZAP-it e informoi subjektin politik Aleanca për Ardhmërinë e Kosovës (AAK), me seli në Prishtinë lidhur me ankesën e paraqitur nga subjekti politik Lëvizja Vetëvendosje.

Në përgjigje në ankesë subjekti politik Lidhja Demokratike e Kosovës (LDK), e ka kundërshtuar ankesën si të pa bazuar sa i përket faktit se sms-i i shpërndarë nga kandidati për deputet Muharrem Svarqa nuk është në kundërshtim me pretendimin ankimor gjegjësisht shkeljen sipas nenit 8 par.1 pika c) të Rregullës Zgjedhore 13/2013 të KQZ-së mirëpo megjithatë sms-i i dërguar në ditën e zgjedhjeve 14 shkurt 2021 e pranon së është në kundërshtim me nenin 36 par.1 pika b) dhe për këtë pjesë subjekti politik Lidhja Demokratike e Kosovës (LDK) e pranon përgjegjësinë ngase sms-et nuk mund të fshihen pasi që veçse janë dërguar andaj e pranon si shkelje të LPZ-së. Në fund parashtruesi i përgjigjes në ankesë i ka propozuar PZAP-së që ankesën e paraqitur nga subjekti politik Lëvizja Vetëvendosje ta aprovojë pjesërisht.

Paneli, në bazë të nenit 8 paragraf 3, të Rregullave dhe Procedurave të PZAP-it, ka vendosur të bashkon ankesat e lartcekura dhe ti trajton si një ankesë, për shkak të natyrës së njëjtë të rasteve dhe pretendimeve, dhe për të gjitha të vendos me një vendim për shkak të efikasitetit dhe ekonomizimit të procedurës.

Paneli, pasi që shqyrtoj të gjitha shkresat e lëndës në kuptim të nenit 117 par. 2 të LZP-së, gjeti se:

#### **Ankesat janë të bazuara**

Paneli pas shqyrtimit të shkresave, e posaçërisht nga fotot e ofruara si provë nga parashtruesi i ankesës, e cilat gjenden në shkresat e lëndës, në mënyrë të padyshimtë, ka konstatuar se kandidati për deputet nga subjekti politik LDK Muharrem Svarqa përmes SMS ka bërë thirrje tek qytetaret e Kosovës që të votohet subjekti politik LDK me numër rendor 132 me të cilin ky subjekt politik ka garuar në zgjedhje dhe numrin 28 Muahrrem Svarqa, numër me të cilin kandidati ne fjalë ka kandiduar si deputet ne këto zgjedhje, veprim ky që është në kundërshtim me nenin 36.1 pika b) e LZP-së, e cila përcakton *“Njëzet e katër (24) orë para hapjes së Qendrës te Votimit për hedhjen e votës, e deri ne mbylljen e tyre, subjekteve politike, mbështetësve ose kandidateve te tyre u ndalohet bërja e fushatës në çfarëdo mënyre”*.

Paneli, vendimin e tij e ka mbështet në dëshmi të qarta dhe bindëse siç përcaktohet me nenin 117 par. 3 të LZP-së, prandaj pretendimet në përgjigje në ankesë nuk u cilësuan me ndikim në meritat e lëndës.

Parashtrimet në përgjigje në ankesë, se këto veprime nuk janë ne kundërshtim me dispozitat ligjore, paneli e vlerëson si jo relevante, për faktin se mesazhet janë dërguar në emër dhe për llogari të kandidatit te subjektit politik LDK Muharrem Svarqa, ku nga fotot e bashkangjitura në ankesë shihet çartë se SMS me numër rendor 132 të subjektit politik LDK me të cilin garoi në zgjedhjet e 14 shkurt 2021 si numri 28 i kandidatit Muharrem Svarqa iu është drejtuar qytetareve te Kosovës duke iu bere thirrje që të votohet subjekti politik LDK dhe ai si kandidat për deputet në Kuvendin e Kosovës, veprime këto qe janë ne kundërshtim me dispozitat ligjore të Nenit 36 .1 pika b) i LZP-së, ku përcaktohen veprimet e ndaluara para procesit të votimit nga ana e subjekteve politike. Ky përfundim ka të bëjë me faktin se Kodi i Mirësjelljes i detyron të gjitha subjektet politike, kandidatët, anëtarët e subjekteve dhe

mbështetësit e tyre që ta respektojnë këtë kod me qëllim të krijimit të kushteve që veprimet e subjekteve politik të jenë në një atmosferë të tolerancës demokracisë, paqes dhe respektit për sundimin e ligjit.

Paneli, me rastin e vendosjes se gjobës si në dispozitiv të këtij vendimi, ka marrë parasysh të gjitha rrethanat si në vijim: natyrën e shkeljes dhe ndikimit të mundshëm të saj në procesin zgjedhor në fjalët, shkallën dhe peshën e shkeljes, pjesëmarrjen e subjekti politik në zgjedhjet e mëparshme që konsiston në faktin së subjekti politik LDK, ka qenë e njoftuar me obligimet dhe përgjegjësit gjatë procesit të fushatës, shkeljet e rregullave dhe Ligjeve zgjedhore në fuqi që ka bërë subjekti në fjalë në këto zgjedhje dhe në zgjedhjet e mëparshme në Kosovë që do të thotë se i njëjti është i njoftuar me Rregullat zgjedhore si dhe shumën e fondeve që ka marrë subjekti politik prej Buxhetit të Republikës së Kosovës, për zhvillimin e aktiviteteve lidhur më fushatën zgjedhore. Paneli po ashtu me rastin e përcaktimit për lartësinë e gjobës ka marrë parasysh edhe përgjigjen në ankesë të subjektit politik

Përveç të cekurave më lartë Paneli, me rastin e vendosjes i vlerësoi edhe të gjitha pretendimet e subjektit politik Lidhja Demokratike e Kosovës (LDK), në kuadër të pretendimeve të theksuara në përgjigje në ankesë, mirëpo të njëjtët ishin jo relevante dhe pa ndikim për një vendimmarrje ndryshe nga ajo që është vendos.

Nëse subjekti të cilit i është shqiptuar dënimi nuk e paguan të njëjtin brenda afatit të përcaktuar në dispozitiv të tij, atëherë në pajtim me nenin 120.2 të LZP-së, subjektit do të shqiptohet dënim shtesë. Ky paralajmërim për dënim shtesë është përcaktuar me nenin 120.2 të LZP, i cili përcakton: “ 120.2 Dështimi për të paguar dënimin apo për t’ju bindur një urdhërese të PZAP-it brenda periudhës kohore të saktësuar në vendimin e PZAP-it, është një shkelje tjetër e këtij ligji që mund të sanksionohet me dënim shtesë nga PZAP-i. ”, ashtu siç është vendosur në pikën II të dispozitivit të këtij vendimi.

Paneli në kuptim të nenit 120.1, pika c), dhe nenit 118.1, të LZP-së, vendosi si në dispozitiv të këtij vendimi.

### **Paneli Zgjedhor për Ankesa dhe Parashtrësa**

Anr. 435/2021 më datën 15.02.2021

**Kryesuesi i Panelit**

Zyhdi Haziri



**Këshilla Juridike:** Kundër këtij vendimi nuk është e lejuar ankesa sipas nenit 118 par. 4 të LZP-së,